

NOVISSIMA TVBA.

Libellus,
in sex Dialogos apprime
CHRISTIANOS,
digestus.

*Surgite mortui, & venite ad
judicium.*



LONDINI,
Excudebat Felix Kyng.
An. 1632.



IN
VI
CLA
Suav
V

GVL
Armi

M
HOC
IN
O





INTEGERRIMO
VIRO, FAMILIÆ
CLARITATE, FAMÆ

Suavitate, Voti Sanctitate,
Vitæ Sinceritate, verè
conspicuo;

GVLIELMO VAVASOR

Armigero, Mecænati Sacra-
rum Literarum am-
plissimo;

MVSOPHILVS,
HOC OPVSCVLVM
IN PERPETVAM
OBSERVANTIÆ

suz Memoriam, hu-
millimè sacra-
vit.



M

M



rec

tro
ho
pri

me

ing
ne
re



Colloquium

Mortis, Carnis & Anima.

COLL. I.

Mors.



Perite ostium.

Caro. Quis tam audaci & imperioso more pulsas?

Mors. Qui non recedet, donec intravit.

Caro. Per rimulam portæ introspiciam, an nostro dignus sis hospitio; sin minus, diu pulses priusquam intres.

Mors. Age! quid sentis? num me recipies?

Caro. Omniostium horrendum, ingens, cui lumen ademptum? nequaquam ingredieris; abi in rem malam: Si ad mortem usque

Novissima Tuba.

pullares, minimè intrases.

Mors. Ingrediar certè.

Caro. Vel invitâ herâ meâ?

Mors. Vel invitâ herâ, delicatâ ancillâ, totâ familiâ.

Caro. Quò nostras lares repetis? Quisnam te invitavit? In hac domicula nostra comptiores habemus comites, lautiores famulos, latiores socios, splendidiore hospites. Aulicus certè es, tam fricatâ fronte te geris.

Mors. Aula æquè ac caula partem in me vendicant, & ego in eis.

Caro. Dic amabò, quinam es?

Mors. Et soror, & frater tuus.

Caro. Apage! Hermaphroditus es.

Mors. Vtriusque reverà sexus capax sum.

Caro. Capacem te nimis vereor. Me tamen mea fallit opinio, si maris aut feminæ designes speciem; dicerem te veriùs Spectrum.

Mors. Spectrum verè, Speculum tamen conditionis tuæ.

Caro. Quinam parentes erant tui?

Mors.

Mors. Ipsi, qui tui.

Caro. Parenti sanè oculos istæ manus diutiùs eruiſſent; ſi problem tibi ſimilem unquam protuliſſent.

Mors. Protulerunt tamen; mors enim a morſu; malum à mali guſtu.

Caro. Vnde igitur proveniſti?

Mors. Ab eo peccato, quod tu peperiſti.

Caro. Tunc cognati ſumus.

Mors. Vnius gentis, generis, germinis.

Caro. Parva tamen vel morum vel membrorum ſimilitudo.

Mors. Verè fateor; aptiore tamen membrorum diſpoſitione, æquiore elementorum commixtione, pulchriore corporis proportionē, aut ſtrenuiore illius compoſitione, nec tu, nec quicumque vivit, mihi ſuperſtiti præcellere poterint.

Caro. Vnde hoc colligam?

Mors. Quia Natura ipſa me elegerit in Anatomem: Noſti autem omnes medicinalem artem profitentes, cum in Anatomem ſemper elegiſſe, qui præſtantissi-

mo erat corpore.

Caro. Hoc de iis verissimum est, qui censendi sunt laqueo. Tunc inter eos numereris? Quo crimine detentus, detectus imò, poenas luis?

Mors. Lepida es Ancilla, venusta facie & faceta; tuæ tamen & socius & proculus ero.

Caro. Ha, ha. Tale societatis jugum nunquam inire cupio, quæ me mihi exosam reddet; Talemque ascendere thalamum horreo, qui mihi Spectrum in Sponsum offeret. Spreto potiùs conjugali thoro, accepto virginali voto (acquiescens adagio) *Simias*, libentissimè, *ducam in inferno.*

Mors. Amplectar interim.

Caro. Tolle manum, vel ad Manes te mittam.

Mors. Parce Soror; intacta te tangam & tollam. Erras si volites, non me evades; Ne moreris, dicente *Morte*, morieris. Inmota maneo, dum tu premeris; illæsa refurgo, dum tu perimeris. Quæ te perdit, non moribus, non Sapientiz, non ætati denique parcit. Fortassè dices, & verum dicis,

cis, Nihil terribilius *morte*, nihil crudelius. Nimirum, quæ ad aspi-ciendos homines cæca, ad audiendas preces surda, ad omnes mortales, citra ullius exceptionem, perimendos, immisericors & atrox: neque bonorum, neque malorum habens rationem aliquam.

Caro. O me miseram! num delicatula ista membra suavissimis floribus demulcta, optimis odoribus perfusa, à re tam tetra & deformi, arida & exucca, horrida & exhausta sunt amplectenda?

Mors. Ne dedigneris; Heröinas æquè tibi, pulchras propter corporum venustates, æquè claras propter honorum dignitates, æquè charas propter morum suavitates, inter hos nudos nervos, rigidos amplexus sæpissimè tenui.

Cara. Sequere eas, modò me mites. Num isti enim digiti chordis & fidibus dediti, cæruleis venis distincti, gelidos lacertos tuos tangent? Num isti capilli floribus ornati, vittis purpureis nitidè vincti, optimis odoribus uncti,

uncti, radiis æstivi solis comparandi, sub aquulinis tuis unguibus decident? Num ista procera tempora, primis primi veris flosculis amicta, sub rigida tua manu defluent? Num ista nivea brachia, amatoriiis amplexibus parata, intra glaciales ulnas tuas deficient? Num isti agiles docilesque pedes, choreis ac saltandi artibus assueti, in foveam tenebris cæcam descendunt? denique, num istud elegantulum corpus, tanta admiratione spectatum, tanta dilectione complexum, in vili urna, exili testa computrescet?

Mors. Parce linguæ; ista me parùm movent. Non leniores digiti, gemmatis licet annulis decorati, nitescant; Non ænuiores capilli, lanæ licet instar caprinæ, candescant; Non tempora, primis licet floribus, pretiosis odoribus tincta, liquecant; Non brachia tua, candidiora licet hederâ albâ, splendescant; Non pedes, petulantilicet more, publicis choreis assuescant; Denique, nec corpus, nec ulla pars externæ illius corticis me allicere poterint. Istæ
ele-

elegantiz nihil me movent. Pro
ea enim me cadaver hominis so-
lis ossibus constans, nervisque
duntaxat compactum delineant,
auribus, oculis, & naribus carens;
nudum & aspectu deforme; nulli-
us sexus, falcem acutissimam ma-
nu vibrans. O artificium insigne
pictorum, deforme quidem, sed
mysteriis gravidum! Visne au-
tem ista habere enucleata? Istud
gratia tua accuratissimè faciam,
parùm licet spectem exteriorem
tuam gratiam. En hæc sunt my-
steria! Pingor sine oculis, ut sig-
nificetur me nullius omninò per-
sonæ, cujuscunque illa potentiz
aut opulentiz sit, respectum ha-
bere. Pingor sine auribus; quia
ad furoris mei mitigationem nul-
las soleo preces ac supplicationes
admittere. Pingor sine naribus;
quia meum non est, O vana mu-
lier, O lascive juvenis, suavia tua
odoramenta curare. Pingor nu-
da; ut demonstretur me non ter-
renam substantiam, non divitias,
non munera multum spectare.
Pingor sine pelle, sine carne, sine
sanguine; quia, ô pulchræ & spe-
ciosæ

ciosa foeminae, nec vestrae venustatis decor, vestrae nec vanitatis & ostentationis fulgor, me poterint allicere. Pingor sine sexu: Quia statutum est mihi, nullum, sive masculini sive foemini sexus fuerit, respicere. Pingor denique, cum falce acutissima: ut declaretur, me homines ex hac terra, sicut messor frumentum in agris, & gramina in hortis, demetere; unde vates eleganter cecinit:

*Sicut ante falce m seges,
Ante mortem summi reges.*

Caro. Itane inexorabilis es, ut nemini parces?

Mors. Nemini prorsus.

Caro. Hoc valde iniquum mihi videtur. An juvenem primas adolescentiae metas ingredientem, æque ut senem moribus protervum, morbis confectum, viribus exhaustum abripies?

Mors. Juvenem æque ut senem.

Caro. Quid hinc prodest juvenilis ætas, quando ista & senectus curva tunc repetunt fatum?

Mors. Si conditionem spectes,
ambo

ambo mortales : Sin probabilitas egressus , sicut juvenes citò possent mori, ita senes diu nequeunt vitâ frui. Vbique senibus est in januis, invenibus infidiis. Senibus autè oculos versatur, juvenibus verò post tergum infidiatur. Mors infantiz est pueritia, mors pueritiz est adolescentia, mors adolescentiz est juvenus, mors juventutis est virilitas, mors virilitatis est senectus, mors senectutis est decrepitas, mors decrepitis est ipsa mors. Hinc expertum habeas, nullam esse latebram in quam non intret mors.

*Socrates.**Seneca.*

Caro. Eheu! cogitabam sanè, & hinc me delirasse video, neminem juvenili ardore sudantem, pulchrioribus adolescentiz floribus pollentem, tam citò emigraturum esse, sin potius cum morte indutias petiisse, & vivendi longius & beatius.

Mors. Brevis est fœlicitas, quam comitatur fragilitas.

Caro. Brevis licet sit, quis tamen eam non efflagitat?

Mors. Qui fastidiosam vitâ agit.

Caro.

Caro. Et ille mori recusaret, si evitare poterit.

a Menander.

b Ibid.

c Cato

Major.

d Ciceron.

in Tusc.

e Ibid.

f Aeschilus.

Mors. Nonne legisti, quod, ^a optimum est aut non nasci, aut quam citò mori? Quod, ^b mortuus felicius est quam vivus?

Quod, ^c mortui nihil est tam simile quam somnus? Quod, ^d Mors est portus malorum, perfugium arummosæ vitæ, effugium miseriæ? Quod, ^e moriendum est omnibus, estque finis miseriæ in mortè? Quod, ^f Mors felicius & gloriosior est quam vitæ?

Caro. Ista me sæpius audisse fateor, sed tam longè fui a credendo, ut ne memini quidem.

Mors. Elapsa sunt forsitan & memoria tua.

Caro. E memoria facillè dimittimus, quæ vix credimus.

Mors. Dic reverà, nonne credis te semel morituram?

Caro. Credo; sed extremum eum diem mihi longius abesse spero.

Mors. Speramus quæ bona sunt, quæ mala exhorrescimus. Quid autem pejus quam perennem subire militiam? Semper viaticam

viaticam sustinere vitam ?

Caro. Levis est via, quæ viatori grata.

Mors. Gratumne tibi cogitas, fami, & siti, & labore, quæ omnia vincula corruptionis sunt, perpetuò premi ?

Caro. Assuetis nulla sit passio; indies istis assuescimus, assueti vix sentimus.

Mors. Nonne maximum tibi beneficium conferret, quod te hisce vinculis expediret ?

Caro. Quam maximum, si crederem me esse vinctum.

Mors. Tace, obsecro, nonne ista incommoda sunt vincula ?

Caro. Parce, obsecro, donec credam esse vincula. Non exeam, quæso, donec credam.

Mors. Artem suboles vulpinam; Hoc non faciam, ne necum agas, quemadmodum ille se gefcit, qui me ei appropinquantem, & læthale hoc telum quod in manu semper gero, vibrantem suspiciens, hoc a me unicum optabat, priusquam ei mortiferum vulnus infligerem; nimirum, ut orationes plenè & integrè persolvat,

solvat, quæis finitis, non solum mihi maximas gratias referret, sed placidè fato succumberet. Cui facilè ut assensissem, & sacro obstrinxissem voto, menullatenus ei manum meam illaturam esse, donec preces solennes integrè peregisset; elusum me reliquit, & ab eo tempore votum fecit, se nunquam ad mortem, ne subiret mortem, oraturum esse. Facillimum est non credere, quæ nolumus. Alio autem modo tecum agam, quò ab hac pessima, perniciosissima imò opinione citius amovearis. Arrige aurem, mitte carnis molliem, salutaria sunt quæ proferam; docilis est, qui attentè vult audire; ne indocilem igitur te præbeas, attentiores te geres, & me perhumaniter tecum egisse audies.

Caro. Libentissimè audiam, modò te non videam.

Mors. Claude tunc oculos, modò aures aperias. Primum nunc a te quæram, quod pensum tibi imponis, quem laborem suscipis, aut cui voluptati de die in diem maximè incumbis, ut suavitate

tate fallacis & fugacis hujus vitæ rantoperè capereris.

Caro. Penſa mea ſunt ſuavia, & naturæ meæ conſentanea. Nec æſtus diei, nec frigora noctis perfero. Colo manum, Studio mentem nunquam applicui. Aliis voluptatibus meipſam ſervavi; Delitiis nimirum aſſuere, crapulæ indulgere; Publicis feſtis interreſſe, neſtareis poculis immergi; præſtigioſis veſtibus indui; ad ſolennes epulas & nuptias invitari; Theatra & alia ſpectacula viſitare; circa laſcivas choreas verſari; per totam noctem juvenilibus conſortiis frui; in floridis lectulis diſcumbere; in æſtivis balneis vaporari; lautè epulari, lætè dormire; & in omnibus, quæ ad indulgentiam carnis ſpectant, cupiditatem explere.

Mors. Ut originem verò repetas, & a manè ad veſperam diei rationem reddas, cui negotio curam præcipuè impendis?

Caro. Negotium nunquam habui, nec habere opto; mea negotia ſunt mundana ſolatia.

Mors. Quænam iſta ſunt, refer;

fer; necesse est quod mira sint, quæ te tam mirificè afficiunt.

Care. Maxima mihi incumbit cura circa *victum & vestitum*; jentaculum in lecto mihi opiparè paratur; nec aliquid ei deest quod palato meo magis arrideat. Peracto hoc proximo, quò in re nulla desiderius meis deessem, sicut ostium super cardinem, in cubili me leniùs verto, suaviorem somnum inco; nihil magis expectens, quam forenses lites, domesticas simultates, publicos tumultus effugere, curas curiæ evitare, in silentio vitam transire, otio vacare, me mihi pinguiorem, convivis blandiorem reddere.

Mors. Surrectura tandem ea.

Care. Maximè; nec cubile mundum, nec cubiculum facio Theatrum. Præfulgente nunc sole (diffusis prius radiis per omnes lares & latebras) pretiosam aliquam vestem assumo variis intextam coloribus, pulcherrimis conspersam floribus. Quæ, priusquam induatur, varias perunque in sententias distrahor; Nunc enim ex animo est talem stolam gerere,

gerere, nam oculos spectantium magis attrahet; sed statim displicet, & aliam requiro; ea verò aut gravis est nimis, aut mori temporis inconcinna; confestim igitur rejicio, & aliam eligo. Sic totum manè in vestibus eligendis contero.

Mors. Interim, vestes magis conteris eligendo, quàm gerendo.

Caro. Selectâ tandem veste, exeo; nec intra proprias lares diu me contineo. Quò maxima frequentia hominum confluit statim propero. Nec novæ alicujus rei valde sollicita sum, illud *bera* relinquo.

Mors. Verum dicis; illa mentem, tu mensam spectas: Et mens humana novitatis avida.

Caro. Non eò inquam, publicos conventus repeto. Allicientes quasdam blanditias in me invenio, quas comprimere nequeo aut nolo. Et istæ in me ardentius scintillare solent, iisque fomitem præbeo. Si florentem enim juvenem in confertissimo coætu reperiam, non citius aspexi quam illexi.

illexi. Relicto Tutore, me sequitur, quocunque cupiditas mea eum trahit. Si contracto me vultu videat, gemit; si læto, gaudet. Blandienti sibi arridet, cum illufore ludit; nescit interim quia *Ismael*, est, qui secum ludit.

Mors. Dum ludis igitur, illudis, inò lãdis.

Caro. Reverà, quemcunque video, modò mihi parcat, vulnero; nec illæsa tamen redeo; tam facilis enim sum naturæ, ut ab eum quem capio, capta recedo.

Mors. Ita plerumque evenit; qui vult esse prædo, fit præda. Narra verò, quò juvenilem hunc mæchum trahis.

Caro. Lepidè fatebor & libere, mæchum semper mecum habeo. Si talem autem invenero, qui amplexibus meis verè dignus habeatur, ad cubiculum duco, tapetibus nitidè instructum, amatoris delitiis plenum; aut si aliò *Cupido* trahat, indulgemus epulis, narramus amatorum fabulas, publica spectacula invisimus; aut si in apricis campis, elegantis *Flora* ornatis, perambulare juvet,

ibi

ibi manu in manum, brachio in brachium innexis, lasciva lascivis mutuò retorquemus, aut in corticibus arborum nomina inscribimus; Hic defatigati, sub opaciore arbore, lætiore umbrâ ac redolentiore fronde gratissimâ discumbimus; vel in Baias ex proposito paratas intramus, ubi leniora nostra reficiuntur membra: — & sic demulceo vitam.

Mors. Pulcherrima vitæ tuæ datur ratio. Sed narra, obsecro, an ista omnia quæ retulisti, aut meliorem aut sapientiore te effecerint.

Caro. Minima mea est cura, probitatis aut sapientiæ quæstus: Id populus curet scilicet, *carnem* parum tetigit. Mollities est, quam quæro; in mundo requietorium habeo, — & omnis in hoc sum.

Mors. Eam tamen vitam optimam sapientes omnes semper tenebant, in qua omni die se meliores esse sentiebant.

Caro. Et nonne perierunt isti cum sapientia sua?

Mors. Emortui sunt mundo, sed vivunt in cælo.

Caro.

Cara. Esto ! vivant isti in cælis, modò ego delitiis fruar in terris.

Mors. Sed refer a modò; dum tu tam lepidè vivis, quid agit *hera* tua, *anima*, inquam, nonne acerbius te objurgat?

Cara. Subirascitur sanè, sed blandiore vultu facillimè eam placare potero. Plerumque autem soleo in oratorio eam relinquere; ubi si diutius maneat, illecebrosa mea illius menti suggerere non desino; quo minus voluptatis in ea exercitatione suscipiat, quæ mihi semper tam fastidiosa fuit. Interim, *en* thea ista *Heroïna* mea, sacro veluti furore rapta, acerbius me increpat, hisce verbis utens: " O quàm protervè te geris? quàm molesta mihi es? Quò ista mihi suggeris sacra meditantì? Tuum est in omnibus mihi præbere obsequium, non hisce pessimis nugis fatigare mentem. Non legisti, quòd superliminare cubiculi mei inscriptum feci? Lege, & collige quid volo, quid cupio; *DEVS MEVS & OMNIA.* Hæc enim

“enim fuit illius inscriptio. Noli
 “igitur me a proposito retrahe-
 “re. Novi cui serviri; imò, cui
 “meipsam in sponsam semper
 “servavi. Nihil tam fastidiosum
 “erit quam peccatum, nihil tam
 “delitiosum quam oratorium.
 “Obstruantur igitur portæ, ut
 “luceat domus; claudantur ocu-
 “li, ne intret cupiditas. Hoc
 modo sæpissimè me tractaret, sed
 a cæpto nequaquam destiti. Sem-
 per alicujus novæ & inauditæ ille-
 cebræ fomitem callidè suppedi-
 rarem? quæ mentem à sacris non
 solum abduceret, sed amorem
 ejus ex integro mihi conciliaret.
 Et hoc tandem modocum sæpius
 compellarem.

“Rigidè nimis & asperè tecum
 “agis, serenissima Hera mea;
 “An pulchritudinem tuam nun-
 “quam respicias? Tene tibi seni-
 “per inimicissimam geres? Parce
 “tandem oculis tuis; tardius la-
 “chrymis effluant. Parce geni-
 “bus tuis; ne genua in cornua re-
 “deant. Nimis diu claustralem
 “egisti vitam. Lætiores tibi eli-
 “gam socios, modò cubiculum
 B deseras

“deferas & mundum intres. Tunc illa; “O quam latè transeunt
 “horæ in altis, quam lentè in
 “aris? Quam tacitè in Mundi
 “areis, quam tardè in Dei atriis?
 “Acquievit tamen, & illecebris
 “meis aurem placidè applicuit.

Mors. Tunc Ancilla Dominæ
 dominatur suæ.

Caro. Rectissimè; in re nulla
 mihi adversatur. Semper in Soci-
 um & consortem lepidissimum
 me tenet; intimè amplectitur;
 blandè deosculatur. Vnà curri-
 nus; unum curamus; ut cupidi-
 tates nempe nostras non extin-
 guamus, sed expleamus; non co-
 erceamus, sed distendamus.

Mors. Sic tu, O *Caro*, quæ da-
 ta es eæ in adiutorium, fies eæ in
 ruinam & scandalum.

Caro. Magnoperè erras; in re-
 frigerium potius & solatium.

Mors. Vris potius quam refri-
 geras.

Caro. Vale feliciter, si ita co-
 gites.

Mors. Nullatenus evades;
 Paucis te volo. Ne vocifereris;
 aërem verberas, si relucteris.

Caro.

Caro. Clamabo verò, si vim mihi inferas.

Mors. Num criminaberis me stupri?

Caro. Rapinæ imò: accusatricem invenies.

Mors. Si accusasse sufficiat, quis innocens esse poterit? Num rapina est vindicare meum?

Caro. Si duo ista Pronomina, MEVM & TVVM cessarent, non essent tot discordiæ in mundo.

Mors. Quam sobriè prædicas! Imò, quam diu tu vivis, O delictula *Caro*, indies coorturæ sunt similitudines: Pellicula enim tua plures suscitatur lites in Repub. quam Heròina tua aut acie ingenii, aut virtute consilii sui unquam restinguere poterit. Sed nunc mei es, dehinc igitur curabo ut neminem allicias.

Caro. Prostibulo potius me tradam quam tali hospitio.

Mors. Facile credo; sed Summaniana ista loca à te penitus sunt relinquenda. MORS intravit in Suburbia; illic tibi longius non est immorandum.

Caro. Quid necum facies?

Mors. Amplectar.

Caro. Illepidi erunt isti amplexus, qui à Proco tam deformi offeruntur: An *Carnem* amas?

Mors. Perditè.

Caro. Necessè est quod ames, nam parum habes.

Mors. Habere igitur cupio, cum tantoperè carco.

Caro. Nonne pars mei tibi sufficiet?

Mors. Nullimodò; fauces nostræ partibus non sunt obstruendæ: aut totum aut nihil habitura sum.

Caro. Multi tamen, qui ardore juventutis, & vigore claruerunt corporis, se satis acquisivisse putârunt, si unum unicè basiolum roridis ac roseis hisce labiis imprimere poterint; Nil ulterius petierunt; Et tunc confectæ ætatis, exhausti corporis, & ut mihi videris, penitùs exanguis, totum meum vendicas?

Mors. Nil tibi remittam; totum abripiam.

Caro. Quò me pertrahes?

Mors. Ad sepulchrum.

Caro.

Caro. O piaculum ! “ Corpus
“ an pulchrum repetet Sepul-
“ chrum ?

Mors. Repetet sanè.

Caro. Et quinam mei erunt
Comites ?

Mors. Vermes.

Caro. Non unius saltem anni
mihi spatium dabis ?

Mors. Ne horulæ, impositum
mihi est pensum quod illicò præ-
stitura sunt.

Caro. O me miserum ! illicò ?
Desiste saltem, donec Heram me-
am evocavero ; Parùm enim de
adventu tuo hucusque audivit.

Mors. Credo certè ; gratius
enim mihi hospitium præberetis,
si familiaritùs cognosceretis. Id-
circo vobis sum ingrata, quia ig-
nota, imò ne cogitata. Evoca ta-
men ; fidem tibi dabo, mecum
non ibis priusquam exeat.

Caro. Eheu, Hera mea ! Num
arctiori quam solito somno com-
plexa es ?

Animo. Erras, si ita sen-
tias ; non memini me unquam
dormivisse. Sed quid novi pro-
fers ? Vnde est quod tam lachry-

moso vultu, tam flebili aspectu nos interpellas?

Caro. O quam maxima nobis indita est necessitas! Hospes est importunè pulsans, horridę proportionis, prodigiosi aspectus, Creaturę, Si ita dicere liceat, undique deformis. Foris præstolatur, & se ingressurum esse, me etiam & Heroina mea invitis, apertè comminatur.

Anima. Quinam est, qui tam procaciter se gerit? Nonne nostrum est proprię dominari familiaris? Quo jure se intraturum esse asserit? Scissitare & redi.

Caro. Indulge *carni*, obsecro, nec scissitari audeo, nec spectare. Mille mundi me ad præsentiam ejus tam horribilem, trucem & exitialem, me nunquam pertrahent.

Anima. Quo nomine res ista tam formidolosa appellatur?

Caro. Monstrum tu ipsa interroga; alloqui enim horreo? Tanta autem libertate dicendi usa est, ut non erubesceret me amasiam suam vocare, & lethales manus mihi inferre. Promisit tamen,

men, & in hoc unicè humaniter se gessit, quod me nequaquam abriperet, donec egredereris.

Anima. Quid interim tu es, si ego egrediar? Cadaver vermium Satur. Sed obviam ibo, & si fieri potest, petulantiam ejus tempestivè comprimam. Quinam tu?

Mors. *Meta omnium rerum suprema.*

Caro. Ne appropinques, mi Hera; dimitte eam, si me ames; prece, pretio aut ferro superanda est; illicò dimitte, ni totam familiam nostram infestet.

Anima. Tene linguam; aggrediar & alloquar. Quicumque es, qui sub hac larvali specie lares nostras obsides, & intempestivè nimis quietem nostram perturbas, hoc scito, te nullum animæ meæ horrorem posse incutere. Si mille mortes arctiori obsidione hoc Palatium præcincturæ essent, ne meticulum mihi ferrent. Contremescat licet *caro*, delicatula enim ancilla est, & horridis hisce spectaculis insueta, anima mea tales excutiet timores; hosce me-

Secundus
Philos.

tus uti muscas parvifaciet. Noli igitur moram agere, sed expeditius narra, quinam es?

Mors. Non in titulis stupeo; non in multis nec magnis nominibus gaudeo; Breve est nomen, sed grave omen: MORS appellor.

Anima. Benè vales.

Caro. Utinam valediceret; Præsentia ejus mihi parùm arripdet.

Mors. Sin verò apertius me explicari velles, *Caduceator sum Superum, dissolutio corporum, inevitabilis eventus, latro hominis & resolutio omnium.* Huc missa sum, ut tibi libertatem, *carni, ancillæ illæ mollissimæ tuæ, sepulturam adferam.*

Caro. Quam sepulturam?

Mors. Lectulum terrenum; Pulvillum pulverulentum.

Caro. Non opus est mihi lecti-
sternio tuo. Et molliorem & meliorem Torum habeo, quam tu mihi præpares.

Mors. Asperitatem tamen Tori mei nunquam senties.

Anima. Torum tuum tumultum

lum eff

Mor

sine me

enim v

Anin

est mar

Caro

me dese

re offer

omni n

& hanc

ro?

Anin

escendu

mittitu

rectè p

quàm i

diceres

Caro

Anin

des.

Caro

jicietur

Anin

Caro

cum per

aurem a

fata fui

cillam t

Hamun

lum esse cogito.

Mors. Rem tetigisti, & paravi; sine me ancillam tibi eripere; Eò enim veni, eò mandatum accepi.

Anima. Nec tali renitendum est mandato.

Caro. Dimitte eam citius; num me deferres, mi Domina? In qua re offendi, ut me relinqueres? in omni negotio tibi morigera fui; & hanc compensationem accipero?

Anima. Inevitabili fato acquiescendum est. Non eò MORS mittitur ut dimittatur. Si ista rectè perpenderes, lucrum magis quàm incommodum tibi adferri diceres.

Caro. Quando hoc credam?

Anima. Quando rationi cedes.

Caro. Num rationi sensus subijcitur?

Anima. Aequissimè.

Caro. Quid igitur tu fecisti, cum persuasionibus meis tam diù aurem applicuisti tuam? Tota versata fui in sensibilibus; & me ancillam tuam placidè auscultasti. Hamum semper pendentem habui,

bui, & cum avidè cepisti. Cum minima illecebra te ab Oratorio ad Theatrum, à sano ad prophanium traxi. Et cò non *Ratio*, sed *Sensus*, te persuasum habuit. Quid igitur *rationem* mihi tantoperè objicis, à quâ tu ipsa diutius averſaris?

Anima. Hinc est, quod te deseram, ni me destruam. Ingenuè à me fatendum est, *Nimis incola fuit anima mea*. Nec te doleat me emigrasse; Eò te terræ, matri tuæ, à qua primò venisti, commendo, ut pulchriorem multò ac splendidiorem te denuò recipiam.

Caro. An pulchritudinem majorem acceptura sum, in terras descendendo? Quis hoc crederet, si mentis compos sit? Nonne vermes socii, Terra torum, Sepulchrum domicilium? Num ista me pulchriorem reddent?

Anima. Reddent verè. Nonne Somnus alacriorem ac vegetiorem te restituet?

Caro. Quid si?

Anima. Et mors Somnus est.

Caro. Sed longus nimis est.

Anima. Nequaquam. Quis indignè

dignè feret intra ulnas matris suę paulisper obdormire?

Caro. Intra ulnas novercæ quis non indignè feret?

Anima. Terra verò natalis est mater tua; cò redis, quò venisti; cò tendis, quò processisti. Adhuc valdè fuisti indigna hospitio meo; in te commorabar-uti in diversorio, ubi forsitan pernoctare libet, permanere non licet. Mori igitur ne timeas, cum transitus tibi erit ad vitam multò ditio rem, multò felicior em.

Mors. Istæ mortis non afferendę sunt moræ. Hisce prolixioribus querelis finem imponite; Quamplurima mihi incumbunt negotia. Imposita mihi sunt mandata, quæ omni obsequio præstanda sunt.

Anima. Et sacris obsequemur jussis libentissimè. Desiste saltem, obsecro, donec hanc Ancillam meam imperio tuo paratiorem feci. Mollis admodum est & tenera, rigidumque aspectum tuum magnoperè horret: Secede igitur paululùm, quoad salubrioribus præceptis ac monitis meis eam nuncio tristiori tuo obsequen-

quentiorem reddam, quo per-
acto, Sapientis illius *Gorgia*, in
desiderio exitus mei, vestigia pa-
ratissimè sequar. Qui, quando in-
terrogatus an libens moreretur,
respondit, *Maximè, nam tanquam*
ex putri & defluenti domuncula,
non invitatus discedo.

Mors. Perge, & perfice.

Anima. Appropinqua, mi *Caro*,
& extremis hisce monitis Heræ
tuæ docilem aurem præbe.

Caro. Audiam, assentiam, & re-
condam.

Anima. Ultima amicorum ver-
ba maximè penetrant; & suspiria
eorum intentiorem figuram re-
linquunt. Nunc longum vale
mutuò accepturæ sumus; Tu à
me, ego à te latiori spatio sumus
separandæ; Adi igitur & audi;
Præpara te *morti*, priusquam
Mors ingruat. Eas voluptates,
quibus te adhuc dedisti, demer-
sisti inò, relinque, relictas sper-
ne. Residuum temporis quod tibi
datur, Deo offeratur. Brevis est
pugna, magna victoria. Et quan-
tò gravius erat periculum in præ-
lio, tantò majus erit gaudium in
præmio.

præmio. Hoc enim ante omnia
tibi animadvertendum est: "Si
"amore mundi & carnis volup-
"tate Dei amorem relinqueris,
"derelinqueris à Deo, misera, in
"horâ tantæ necessitatis, atque
"dæmonibus traderis in inferno
crucianda. Nunc portum appu-
listi; ubi colligenda sunt vasa.
Diem mortis, quem tanquam ex-
tremum formidas, æterni natalis
est. Depone igitur onus. Siquid
perditè in hoc mundo dilexisti,
ut plurima illicitè nimis amasti,
desere, despice; Optatior via,
opulentior vita à te petenda est.
Cuncta fragilia, vilia. Nunc
communem conditionis humanæ
sortem susceptura es. Ne mireris,
omnes qui te præcesserunt, ean-
dem viam calcârunt.

Quàm commodè respondent?
Sive vigilantes, sive dormientes,
sive tacentes, sive ambulantes,
sive volentes, sive nolentes, per
momenta temporum quotidie ad
finem ducimur. Ne resolvaris in
lachrymas quod me deserueris;
ex integro, mutuo fruemur con-
sortio.

Caro.

Sen.

Iter agis, ex-
iturus venisti,
non man-
surus. Aug.

La& lib. 6. di-
vin. instit.

Caro. Quamplurimi mecum valent ista monita tua: Sed dissolvi horreo.

Anima. Quod ego maximè cupio; Noli te tantoperè demulcere. Quid palles, quid contremiscis? Pulchriorem accipies structuram quam adhuc habes. Mœnia ista tua sunt diruenda ut restarentur, in pulverem reducenda ut renoventur. Ejus est mortem timere, qui ad Christum nolit ire. Præmittor ad eum videndum; veniet dies, quando associaberis mihi ad eum contemplan- dum. Interim in pulverem tuam reverteris, è qua multò clarior & splendidior resurges. Ad terram mitteris, ut terrestrem qualitatem amittas. Bono igitur esto animo: Sicut semina terræ mandata, moritura sunt priusquam vivant, peritura priusquam surgant; Sic tu terræ estradenda, priusquam ad æternitatem coalesces in vita futura.

Caro. Optimè me monuisti & munivisti; Iste *mortis* aspectus mihi minùs fit terribilis;

Jam

*Ia
tan
V
me
den
A
do v
A
istæ
quer
invic
long
am m
An
tiar re
niam
Hoc f
bito, u
ita vix
attent
inde d
nec me
minum
regnum
vitâ fur
ipsam,
comme
Mor*

Novissima Tuba.

33

Iam satis, ô vita, durasti, desine tandem.

Menand.

Vale, delectissima *Animula* mea, hac tamen spe fruor, me tandem tibi revivendam esse.

Anima. Hac spe fretâ, moriendo vives, vivendo me frueris.

Mors. Quam egrè patiuntur istæ repudium? Non fecistis loquendi finem? Vltimum vale ad invicem accipete; Tempus enim longius protrahere, aut sententiam mortis reticere nequeo.

Anima. O *Mors*, ne, quæso, patiar repulsam, quominus ad te veniam! veni, & nuncium comple. Hoc firmiori proposito ritè adhibito, uno contexam omnia, "Non ita vixi in mundo, licet ei nimis attenta fui (quod nunc doleo, & inde deleo) ut me pudeat vivere: nec mori timeo, quia bonum dominum habemus. Sic egredi, est regnum cœlorum ingredi; Sic vitâ fungi, est pace frui; cui me ipsam, terræ ancillam, feliciter commendo.

Æschyl.

Mors. Valet.

COLL.



COLL. 2.

Colloquium

Mundi, Carnis & Diaboli.

Diab.



Binam consortes, milites, famuli & filii mei? Nullane spes nobis relicta est revocandi *animam* ab hoc pio proposito, quod sibi fecit? Siccine gloria mea deficiet? Maxima semper incessit mihi cupiditas non solum imperium conservandi, sed augendi etiam. Sed quamdiu dominabitur carni anima, animæ ratio, rationi gratia, defluit potestas mea. Satagite athletæ mei! Num graviore quam solito somno complexi estis? Surgite, somnum discutite, circuite; hæc æstas mea est, quam si vestrâ inertia inutiliter transcat, ætæ est

est de me & imperio meo. O *caro*, delicatula famula mea, & prae ceteris mihi fidelis, semper in adiutorio tuo magnoperè confusus sum, quoniam magis nocet domesticus hostis! Interim quid agis? Quo tempus conteris? Num me deseres in extremis?

Caro. Eheu, quid faciam? Emaceravit me *Hera* mea; & *jejunio* flagra adjecit. Pellis & ossa sum misera; nec lasciviendi mihi cupiditas est ulla. Si perambulare juvet; statim me revocat, & intra proprias lares coercet. Si epulari libet; asperrimam disciplinam mihi imponit. Quicquid mihi molestum est, precipit; Quod magis gratum, prohibet. Tibi placere, & ex servire, nequeo.

Diab. Verissimè. Sed unde est, quod tantoperè tibi dominaretur? Num omnes impugnandi vires amisisti? Novi te valdè facetam & artificio benevolentiae colligendæ deditissimam. Vbinam spicula ea ignita tua, quibus animam vulnerare assuevisti? Vbinam, inquam, carnales illæ cogitationes mentem importunè pulsantes

tes de cibo & potu, de somno, ceterisque similibus ad carnis curam pertinentibus? An ignoras mortem intrare per fenestras? ubi tunc radiantia ea lumina tua, quæ capere æquè ac capi solent? Nullane forma est, quæ aspectu tuo digna habeatur? An cruisti ocellum concupiscentiæ tuæ? An virtutis amore, quæ mihi semper invisa fuit, voluptates hujus vitæ spreveristi?

Caro. Parcimoniam & asperitatem vitæ rigidissimam mihi injunxit.

Diab. Quid inde?

Caro. Et parca vita occidit vitia, libidinem extinguit, virtutes nutrit, animam roborat, & mentem ad cœlestia elevat: Vnde fit, quò ego debilior, illa agilior; quò illa fortior, ego infirmior.

Diab. Duram servis servitu-
tem. Excute jugum, liberâ uten-
dum est reprehensione erga ami-
nam, Si eam tantoperè sanctam
esse patiaris, teipsam perdis, &
me perdis. Primis igitur relu-
ctandum est initiis, *ἡ δὲ πόρνη*
καταλείπει τὸν υἱὸν τῆς μητρός;
Omnium malorum esca
voluptas.

voluptas. Hanc Heroïnæ menti suggereres; hac eam allicies: quo peracto, victor evades.

Caro. At hi lacerti jam mortui sunt! voluptates nec specto, nec suggerere valeo. Acies ingenii defecerit; natalis cupiditas exaruerit; Non video, quod illicitè concupisco. Pasci mallet, quàm cupiditates explere.

Diab. Tunc revertere in pulverem tuam. Obsequio meo penitus indigna es. Siste tamen; aliud a me evocandus est, qui majori studio, altiori curâ negotiis incumbet meis. Appropinqua amicissime *Munde*, muscipula mea, à qua incautæ capiuntur animæ, dum salutis suæ minùs prospiciunt. *Munde*, inquam, qui periculosior es blandus quàm molestus, & magis cavendus, cum te illicis diligi, quàm cum admones cogisque contemni. Vnde evenit, qui te amplectuntur similes sunt illis, qui submerguntur in aquis.

Mundus. Ad sum, in omnibus obsequiū tui studiosissimus. Patiens ero laboris; sitis, frigus, omnia

nia passurus, quò aliquod officium tibi præstem.

Diab. Audisne clientulum hunc meum observantissimum, quâ curâ, quo studio imperii mei fines augere quærit?

Caro. Audio, & irrideo.

Diab. Tetrissima pellicula, quid te ad cachinnum mover?

Caro. Summa ejus dementia.

Diab. Te potius stolidissimam *Mundus* censeat, cujus asperitas te exhaustit, & voluptatibus mortuam reliquit.

Caro. Quæ potius eos tangit vesania vitiorum, sicire absinthium hujus *Mundi*; sequi naufragium vitæ labentis; pati infortunium, impiæ tyrannidis ferre dominium?

Diab. Quis te talem concionatorem fecit?

Caro. Illa, cui servio, & quæ me regit.

Diab. Miserrimum est ex servire, ubi asperitas vitæ habetur pro præmio.

Caro. Stultum autem est *Diabolo* servire offenso, qui nullo placatur obsequio.

Diab.

Diab. Procacitatem hanc tuam graviter puniam.

Caro. Parùm me terres; Non æquum est mihi timere *Diabolum*, qui *Dominum* habeo fortio-rem. Novi certè nihil tibi dulcius esse, quàm me peccare, peccan-tem perdere: sed servilibus iis of-ficiis tuis, quibus nimis diu deten-ta fui, nunc tandem renunciare institui. Tot dæmonia, quot cri-nima: Ni illa igitur intrent, ista a me opportunè repellenda sunt. Vnam amisisti servulam, & gra-tias Superis quod amisisti. *Caro* bene obediens, famula est aniam; illa regit, hæc regitur: illa impe-rat, hæc famulatur.

Mundus. Intoleranda est ista insolentia tua; admodum fasti-diosa es auribus meis.

Caro. Quis hoc curat?

Mundus. Ista tibi cura præci-puè incumberet: Cede majori.

Caro. Majorem te certè agno-scam, non meliorem, quamdiu Diabolo præstas obsequium.

Mundus. Quid tu esses sine me?

Caro. Imò, quid tu sine me?

Mundus

Mundus. Semper essem *Mundus*.

Caro. Non; Eremus. Quid esset *Mundus* sine homine? Quis homo sine *carne*?

Diab. Lepidè argumentaris; *Mundus* verò circuncingit, & obfidet te undique.

Caro. Sin verò *Caro* non esset, nec me circuncingere nec obfidere poterit.

Diab. Desiste tandem; non ulterius patiar: aut tace, aut acquiesce. Sin mihi semper refrageris, illicò perimam.

Caro. Ne capillum tanges, ni permittat qui fecit. Auditura sum interim, quod consilium daturus es *Mundo*.

Diab. Audias, modò non detegas.

Caro. Detegam certè, ne alii pereant dum minùs audiunt.

Diab. Perge perfida; si tu me deseras, alios habeo, eosque cognatos tuos, ac tibi perquam familiares, qui mihi constantius adhæsi sunt.

Caro. O si sese castigarent, tunc te citiùs relinquerent, & Dominis suis

suis seipsas fideliores præberent?

Diab. Arrige aurem, mi *Munde*, & consilio meo mentem attentius incumbere.

Mund. Effare, attentissime audio.

Diab. *Munde*, Athleta fortissime; qui, an mandatis meis paratior, an artibus tuis peritior, planè nescio. Interea, quid te dicerem, nisi Agonem plenum certaminum? ubi omnes certant, sed perpauca victores redeunt. Circenses habes ludos, eosque artificiosè paratos; in quibus cursores sunt, omnes omnis farraginis homunciones. *Avari*, quibus tam deest quod habent, quam quod non habent; per fas nefasve certant, currunt, sudant, quo divitias colligant; in quibus utendis non minùs inopesunt, quàm si non possiderent. In hoc enim avidè habentes, & nihil habentes unicè differunt; quod hi *carendo*, illi *non fruendo* conditionem designant. Aut non habita concupiscunt ut habeant, aut acquisita metuunt ne amittant. Turpe lucrum potius quàm damnum eligunt;

eligunt; Lucri bonum odorem esse ex re qualibet sentiunt, omnes complectuntur artes, ex quibus lucrum elicere possent; Cum aliqua species utilitatis objecta est, commoveri solent; Appetunt utilitatem, & ad eam rapiuntur; negligunt salutem, & de hoc socii mei latentur. Cum Phrenerico rident; & cum stolido ridentes ad cippos currunt. Sibi enim laqueos parant, dum ista petunt. Quis enim nescit, *Achani* cuneum, & *Dagonis* domum iis attulisse excidium? Ista tamen tanta versutia oculere soleo, palliare imò, ut nec speciem indumenti mei, nec periculum salutis suæ possent discernere. Quomodo autem vitent, si minus videant? Cum molestia parantur, & cum sollicitudine conservantur, & cum invidia augentur, & cum dolore stimulisque conscientiae finiuntur. Ista tamen colunt, iisque in cordibus fana condunt. Hoc enim ab homine colitur, quod præ cæteris diligitur. Ergo qui aurum supra Deum diligit, illud deum suum faciunt. Cur-
runt

runt etiam *ambitiosi* in hoc Circo tuo, mi *Munde*; Et hi in aucupio honoris semper versati sunt; somnum oculis, quietem animis nullam admittunt. Superbè ascendant, periculosè sedent, & celeritèr decidunt; in quo elatiore ortu, & graviore casu me Principem eorum imitari solent. Denique, ut paucis nulta complectar; Hic currunt in *Aria* tua omnes *voluptuosi*, qui pro brevi voluptate periclitantur de salute. *Irati* omnes, qui semper sæviunt & intumescunt; & officia perquam grata mihi præstant; Si filii enim Dei vocantur qui pacem faciunt, proculdubio filii mei sunt qui ipsam confundunt. *Invidi* omnes, qui de alterius bono non minùs dolent, quàm de illius malo gaudent; quorum malitiosa conditio mihi maximè arridet. *Inertes* etiam omnes, qui in silentio vitam transeunt velut pecora; isti omnes currunt in Circo tuo, & multum comodi adferunt ærario nostro. Sicut enim optimum Dei lucrum est thesaurus animarum, ita maximum mei emolumen-

tuum est earum dispendium. Sata-
ge igitur , & pensum præsta ?
Meum est suggestiones noxias
ingerere ; tuum est urgere. Sin
verò imperii mei fines promovere
cupias, æquissimum tibi erit quod
occasiones boni prius removeas.
Plures, ut spero, invenies homi-
nes pudore magis quam bonâ
voluntate prohibitis abstinen-
tes; Hunc autem pudorem vellem
quod eorum mentibus excutias;
ut neque sensum nec verecun-
diam mali retineant. Hoc si agas,
ut facillimè præstes, modò a cæp-
tis non desistas , nec a monitis
meis declines ; ibit ista speciosa
Turba, post te cæca, & nuda, & il-
laqueata ; eamque funibus pec-
catorum trahes post te in circuitu
de vitio in vitium , & de luto in
lutum , & ibit absque fortitudine
ante faciem subsequenteris. Ego
interim, nihil intermittam, quò
imperii mei fines latius disten-
dam. Si te mihi fidelem servum
præstes , præmium non perdes.
Ego, ut optime nosti, eandem ar-
tem exercitaturus sum, quam pe-
riti venatores designare solent.

Ad

Ad colorem montis aut nemoris
seſe induunt, quò prædam quam
cupiunt, facilius capiant. Eodem
more moliendum eſt mihi: Nunc
hic, nunc illic, nunc agnum, nunc
lupum, nunc tenebras, nunc lu-
cem in me oſtendam, & ſingulis
quibuſlibet qualitatibus, locis &
temporibus ſecundum varias re-
rum mutationes, varias exhibi-
turus ſum tentationes. Nam ut
tristes decipiam, triſtabor & ipſe:
Ut gaudentes illudam, fingam
me & ipſe gaudere: Ut ſpiritua-
les defraudem, in Angelum lucis
me transfiguro: Ut fortes com-
primam, appareo agnus: Ut mi-
res devorem, appareo Lupus.
Imò, apertè ſævire ſolo cū Leo-
ne, occultè inſidiaricum Draco-
ne. Hoc modo, ſi vinctis viribus
vitamur, non dubitandum eſt,
quin felicem exitum aſſeque-
mur. Nemò eſt, qui tam callidè ſe-
gerit, qui erroribus ſeſe non im-
plicet, modò tuis blanditiis quæ
lepidæ ſunt; aut inſidiis meis quæ
variz ſunt, acquieſcat Magnum
enim diſcrimen erit adverſus me
fraudis aſtutiam, tam crebros.

imò continuos, sustinere conflictus, quem astutum fecit tam natura subtilis, quam longa exercitatio malitiæ latentis. Ex quo enim cecidi, non cessavi persequi filios Dei: Et in odium suum, perdere hanc creaturam suam, quam creavit Omnipotentis manus, ad imaginem suam, ut possideat gloriam suam, quam ipse perdidit per superbiam meam.

Caro. O quàm nudè teipsum detegis: irritæ autem sunt insidiæ tuæ; inanes conatus tui; quamdiu me non habes, quam unicè habere cupis. Cui enim dominantur illecebræ tuæ, si consilio meo innixus, tibi non obtemperet. Mollities mea est, quæ voluptuoso lenocinia, avaro praviora lucra, superbo elatiora vota, invido macrescentia mala, irato ardentia ilia, crapuloso lascivientia edulia, ignavo inertia somnia suggerere solet. Quorsum igitur tantoperè te ostentas? Sine consilio, auxilio, iudicio meo-arenis semina mandas. Qui verè igitur sapiunt (& in hoc contra me ipsam ingenuè loquar) indulgentiam

tiam mei comprimant, asperitatem erga me exerceant, quæ mihi maximè molesta sunt, amplectantur & diligant; quæ mihi placentia, aspernentur & rejiciant. Quod si præstent, non solum te faciliter vincent, sed peractâ victoriâ triumphalem coronam accipient.

Diabo. Improba, quò te nobis tam nefariam perduellcm monstras?

Caro. Quia castigavit me, qui fecit me; quoties crapulæ, indulgi, tibi servivi, ea autem victa, & sancta abstinencia amplexa, didici ei parere cui debui, & te deserre cui prius adhæsi.

Diab. An me quoque deseres, mi *Munde*?

Mundus. Profectò deseram; quid enim *Mundus* proficiet, si *Caro* deficiat?

Diab. Unâ conferamus tela, ut ad clientelam nostram eam cogamus.

Caro. Cogi qui potest, nescit mori; Moriar, ut te perdam. Valedicam *Mundo*.

Mund. Si valē dicas, langueo;

Ne me deferas, tecum ibo.

Diab. Ambo valete; infernum
saltem mihi patet; quò revertar
Interim, qui peccant, nec pec-
casse dolent, conscientiam infer-
num invenient; nec mei decun-
ministri, qui eos flagellent.



in ibo.
 te; infernum
 uo revertar.
 ut, nec pec-
 ntiam infer-
 nci deerunt
 ellent.



COLL. 3.

Colloquium

Hominis & Conscientiæ.

Homo.



Vid me tantoperè
 laceras? Num tu
 quæ habitas in
 me, testaberis
 contra me?

Conscientia. Depositem quod
 servandum accepi, servo vivo, de-
 functo restituo.

Homo. Quid tu, si perco?

Conf. Tecum ibo; & unam præ-
 nam patiemur mutuò. Non te
 deseram, non relinquam. Si bene
 vivas, gaudeo; sin malè, inge-
 misco; nec mala mea reticere va-
 leo. Pro te aut contra te testi-
 monium profero. Mille acies me
 repellere nequeunt. Licet sera,
 tamè serä & certa, venit vindicta.

C. 4

Homo.

Homo. Heu me miserum, quid faciam? quò curram?

Conf. Nullum mihi datur subterfugium. Si in viscera terræ surreperes, tutiorem ibi recessum non invenires. Si velocior esses Euro, non evaderes, — mihi pervius æther. Sequeretur, persequeretur inò; nec a cursu delisterem, donec evestigio semitas tuas explorarem. Ne dicas igitur, “Nullus est in rima, nullus qui me exaudiat. Quis me videt? tenebræ circundant me, & parietes cooperiunt me, & nemo circumspicit me: quem ve-reor? delictorum meorum non memorabitur Altissimus. Fugas licet ab agro ad civitatem, à publico ad domum, à domo in cubiculum, me intus astantem, testantem inò, reperies. Quam si læsis oculis præsentem videris, certè iis me compellaveris verbis, quibus *Achab* ad *Eliam* usus est; “Num invenisti me inimicum tibi? Et in promptu mihi erit responsio, *Inveni*: Eo quod venundatus sis, ut faceres malum in conspectu Domini. Ecce ego inducam

ducam super te maium.

Ho. Tunc flagitia nostra nullo tibi tuta.

Con. Quid si tuta possint esse scelera, si secura esse non possint? Vel, quid prodest nocentibus habuisse latendi facultatem, cum latendi fiduciam non habent?

Ho. Narra, quæso, quomodo in Testem consolabile te habeam.

Con. Sanctam ac inculpatam ducendo vitam; bonis pollendo moribus; piis relucendo virtutibus; pravis moriendo cupiditatibus; alacriter exercendo opera charitatis; quod tuum est liberè dispensando; quod alterius est nunquam appetendo. Evitando vivit anima, quæ appetendo moritur.

Ho. Dura nimis & aspera sunt ista penta carni & sanguini

Con. Sed multò asperius erit pati *vermum conscientie*; aspectu Dei privari; quod longe superat omnia gehennæ supplicia; ibi, scilicet, distrahi, ibi discerpi, ubi nec qui torquent aliquando fatigantur, nec qui torquetur aliquando moritur.

C 5

Ho.

Ho. O mors amara, verè misera ! quomodo mors ista sit evitanda.

Con. Moriendo mundo, priusquam egredieris de mundo.

Ho. Num ista speciosa fabrica tot affluentis omnium rerum instructa, tot deliciarum plena, divitiarum alumna, tum parvi fuerit æstimanda ?

Con. Reverà si in hisce læteris, læthali morbo laboras. Quanto magis enim Caro in hoc seculo gaudet & suaviter vivit, tanto magis anima in inferno cruciabitur & ingemiscet ; & e contrà, quanto magis Caro premitur, tanto magis anima de speculati latatur.

Ho. Præsentibus frui, omnium sen per fuit desiderium.

Con. Præsentibus frui, futuris exui, omnium miserum. Optimum tibi erit uti mundo, frui Deo, Non positus es in mundo, ut ibi semper viveres. In terra aliena quis cantica sua cantare poterit ? In hoc mundo vivere debemus, ut cum corpus cæperit à vermibus devorari in sepulchro, anima

anima lætetur cum Sanctis in cœlo. Illuc Spiritus dirigendus est, quò est iturus : illuc festinare debemus, ubi semper vivamus, & ubi amplius mori non timemus. Aurum desideras sine fine? æternam vitam desidera sine fine. In terra *Havilah*, multum est aurum. Terra est quam geris, & eam demittes; terra est quam teris, & eam amittes, sed terra est quam quæris, quam nunquam relinques. Dispensatores magis Dei, quam divites appellandi. Quicquid accepimus piè dispencetur, sanctè disponatur, liberè erogetur, ut cœlesti merce remuneremur. Parva sunt, & ea nostra non sunt quæ exhibemus; magna sunt, & ea Sanctorum sunt quæ accipimus. Homines cœlestes, sunt angeli terrestres. Nemo Deum possidet in futuro, qui hic non possidetur à Deo. Si princeps hujus mundi in te aliquid habeat, Princeps cœli in corde tuo non habitat. Ejice Spiritum Diaboli, & Spiritum mundi, ut accipias Spiritum Dei. Cogita unde venisti, & erubescere; ubi es, & inge-

nuice,

misce, quò iturus & contri misce.

Ho. Novi omnes homines ex eadem argilla esse factos, & in eandem materiam, à qua primam originem acceperint, esse redituros.

Conf. Tunc omnis homo ab humo primò dictus & ductus.

Ho. Nihil verius.

Conf. Et caro spuma fragili vestita decore.

Ho. Maximè.

Con. Cur carnem tuam pretiosis rebus impingas, & adornas, quam post paucos dies vermes devoraturi sunt in sepulchro? Animam verò tuam non adornas bonis operibus, quæ Deo & Angelis ejus præsentanda est in cælis. Non nosti pretium animæ tuæ?

Ho. Apprimè.

Con. Vereor certè; Non enim tantoperè eam vilipenderes. O homo cognosce, cognosce, inquam, majus esse damnum in amissione unius animæ quàm mille corporum. Corpora si occiderentur, denuò resurgent; anima si periret, nunquam reviviscet.

Erubescite

Erubescere igitur inertiam, imò ineptiam tuam; in præponendo medullæ corticem, nucleo nucem, animæ carnem. *Ingemisce* etiam, dum te in hostili regione versatum esse consideras. Vbi domestici tui Proditores pessimi; ubi Mors in olla, Hostis in ora. Huc & illuc igitur circumspiciendum est, & ad omnem strepitum circumagenda est cervix. *Contremisce* etiam, cum tecum cogitas quò iturus es; in terram tenebrosam & aridam, ardens stagnum, sulphureum lacum, suppliciorum locum, ubi omnis horror habitat, nullus ordo apparet, error & terror ubique implicant.

Ho. Nullusne evadendi est locus?

Con. Nullus; ubi Deus non est per gratiam, adest per vindictam. Si enim non habeas in Patrem indulgentem, habebis certè in Iudicem ulciscentem. Si ultionem divinam evitare quæras, juxta mandata Dei, quæ specula Christianæ vitæ sunt, ambulare debes. Summa Christianæ religionis est imitari eum, quem colis. Verus Christi

Christi amator, qui etiam Christi imitator. Verè Christiani titulum promeruit, qui in factis se Christianum ostendit. Non satis est gemmare & germinare, sed in bonis operibus ematurescere & fructificare. Malè vivitur, ubi de Deo non benè creditur, sed vicissim inutiliter creditur, ubi non benè vivitur. Vera fides non est interius. Si vita sit in arbore, proferentur fructus; si vera fides sit in corde, emittentur virtutes. Vnde mors in anima? quia non est fides? Vnde mors in corpore? quia non est anima. Ergo animæ tuæ anima est fides; fidei anima exhibitio operis.

Hø. O quam alienus fui ab harum rerum indagatione?

Con. Interea, quid fuisti? Non homo certè, sed *bellua*. Absque notitia enim Dei, omnis homo pecus.

Hø. Non inficior. Sed quomodo veniam ad cognitionem mei?

Con. Verbo Dei, ibi via est per quam ambules; ibi lux per quam viam videas; ibi vita quam desideras.

Hø.

Ho. Quamdiu autē te habeo invisam, omnia spiritualia exercitia mihi gravia sunt & onerosa. Nihil propitium votisq; secundum invenio; omnia mihi nubila & tristia; fastidiosa omnia & insipida. Magnoperē igitur cupio te primum mihi conciliare; ut latē magis ac prosperē negotia mea succedant.

Con. Visne amabō, me tibi verē placatam habere? Ne me offendas; Quicquid contra me facies, edificat ad gehennam. Si igitur aut timor pœnæ, aut spes prēmii te moveant; si tranquillitas animæ, pax *conscientiæ* tuæ tecum valeant; noli me irritare; noli te laqueis peccatorum irretite. Natura mea optimē Mari assimilari potest. Nosti, si mare ollas sordes, defuncta corpora, aut quamcunque algam habeat, remulento more sævit & æstuat, conquiescere nequit, donec sordes & sæces eas, à quibus ægrē laborabat, in ripam expuet, quod furorem ejus tempestivē expiat. Eo more, Ego ipsa, *conscientia* tua, tumere soleo & turgere, surgere & sævire, donec

nec faeces peccati penitus expuli. Nihil enim est quod me tantopere gravat ut peccatum; cuius onere dum deprimor, nulla prorsus pace, nulla quiete fruor. Visne igitur semper letari? Vulnere animæ, quæ peccata sunt, tempestivè sanare tuum est. Quantò magis homo peccata sua intelligit, tantò amplius suspirat & gemit. Lachrymæ pœnitentium sunt vinum Angelorum. Hisce lachrynis cor tuum irrigetur, ut ad cœlestia erigatur. Vis nunquam tristis esse? Benè vive, bona conscientia semper gaudium habet.

Ho. Omnia ista novi, sed in usum non redegi.

Con. Inutilis ea est scientia, à qua non refocillatur Conscientia. Multum ubiq, scientia; conscientia parùm. Quid verò prodest magna scientia, si adsit iamunda conscientia? Non ex scientia, sed conscientia libro, iudicaberis aliquando coram Dei throno. Quælis vis esse in die iudicii, talis appareas in conspectu Dei. Grande volumen conscientia, cui omnia stylo veritatis inscripta. In die iudicii

judicii non quæretur quid legisti, sed quid fecisti; non quid dixisti, sed quàm bene vixisti.

Ho. Heu me, quid dicam, quid faciam? Erubescenda video, nec erubesco; dolenda intueor, nec doleo.

Con. Inde est, quod me tristior rem reddis. Dolor est unicè tuus qui me lætificat. Quò enim te magis insensibilem sentio, eò magis doleo & ingemisco. Lachrymæ tuæ nœdelam adferunt meæ tristitiæ. Quas si interius emisseris, peccati veniam, animæ vitam, *conscientiæ* pacem adferes. Præterita enim mala non nocent, nisi placent. Sin te in hoc seculo peccati non pudeat, non puduisse in futuro dolebit.

Ho. Scire verum cupio, quorsum me tanxoperè discrucias? Si enim de somno meo, stimulante te, non suscitarer; placidè semper obdormirem: Te placatâ, nemo me lacesteret, nemo hisce tumultibus pacem meam infestaret.

Con. Hoc inter maxima, quæ fidei tuæ sunt tradita, credendum est.

Intrat Pec-
catum.

est. Ille qui fecit te, fecit me infocium propter te, ad consolandum aut cruciandum te. Somnus peccatoris nunquam potest esse suavis. Ea soninia mala habent omina, quæ Deum non spectant qui creavit omnia. Ne credas te esse tutum, etsi visibilem contra te non inuenias testem. Quando corpus sine umbra, tunc scilicet inuenienda est anima sine testante conscientia. Sed quò me incultas anxietatis tuæ? Ecce Spectrum, quod te & me tot perturbationibus exagitat!

Ho. Vbinam?

Con. Secede paululum, sub opacioribus iis arbutculis; Nosti enim primum, O Homo, argutè teipsum abscondere in umbraculis, cum nuditatem tuam conspexeras; quâ conspectâ, faciem Dei perperam effugeres.

Exit Homo

Ho. Meminisse dolet; sed teneo & taceo. Aggredere, dum nemusculum istud ingressurus sum.



COLL. 4.

Colloquium
Conscientiæ & Peccati.

Con.



Erquam opportunè
mihi occurris,

Pec. Occurram sem-
per, vel te invitâ.

Con. Credo certè, aut nunquam
occurreres : in lares meas intra-
re soles, sicut aquæ in navem, um-
bræ ad convivium, quæ minùs in-
vitatæ hospites sequuntur.

Pec. Quinam tamen est, qui me
indignum hospitio suo iudicat?

Con. Hinc te Syrenem narras;
Navigantes enim in hoc mundo,
pessimis incantationibus effasci-
nare non desinis.

Pec. Obstruant aures, quò mi-
nùs audiant,

Con. O quam felices essent si
hoc efficerent ! Sed hanc sem-

per

perpendentem habes, quo incautos decipis. Iis enim, qui superbâ & elatâ sunt mente, alta & ardua suggeris; eos suadendo contemptum inferioribus præbere; in publicis festis primas sedes eligere; Pauperum consortiis, sese nunquam immiscere; quando multò utilius ac salubrius iis esset, sic cum inferioribus vivere, quemadmodum Superiores secum vivere vellent. Similiter, si avaros inveneris; inextinguibilem sitim habendi, sine spe fruendi, mentibus eorum immittis. Hi, quantum magis capiunt, tantum magis cupiunt; Die fatigantur laboribus, nocte intempestivis curis. Ex quod omnium miserrimum est, quantò minus indigent, tantò plus appetunt. Omne enim peccatum, præcipuè illud avaritiæ senile malum, incurabilius est in sene quàm in juvene. Quando senes, quanto sunt morti viciniore, tanto debent esse puriores. Similiter, si voluptuosis occurras; illecebras iis paratas habes. Floridos & eburneos lectulos, in quibus discumbant; flores & odores, quibus

quibus lascivientia eorum corpora demulceant; locos & Ludos, quib⁹ horas tardius properantes, otiose transeunt; Pulchriores consortes, & lenociniis deditas, quibuscum petulantius se gerant. Denique, ut uno complectar, omnia, novis deliriis semper mentes hominum agitas, eosque aut non videntes, aut apertis oculis cadentes, in foveas quas iis feceris, præcipites mittis.

Pec. Vnde mihi hujus proditiōnis notam inuris?

Con. Quia ab homine pessimè promereri; à me verò præcipuè, quàm indies torques & discrucias; ita ut pœnæ illæ, quas poëtæ finxerunt quibusdam fuisse inflictas, propter vitæ impudiciam, crudelitatem, & belluinam prorsus licentiam, si angustiis in quas ego indies redigor, ærumnis in quas ego distrahor, conferrentur, morsus essent muscæ non pœnæ, tam gravia sunt quæ tolero, nec remedium invenio dum te video.

Pec. Queruli reverà semper sunt miseri; sed multi sunt qui miseriorēs se faciunt, quàm verè sunt.

Sed

Sed jamjam audiebam te asserentem, me ab homine pessimè emeritum esse; Narra, obsecro, quinam mihi primam originem dedit? Totum genus humanum fecit *Adamus* damnationis traducem: *Omnes in Adam peccaverunt*. Ego meipsum artifex non fui. Fecit me, qui, ut primum senserit te, ad arbores recessit ut præsentiam Dei effugiat, & à conspectu Dei sibi umbraculum comperiat. Ad arborem convolat, de cujus fructu si nunquam degustasset, nunquam malum perpetrasset, nunquam me creasset; Quò igitur me arguis? **HOMO** est, qui sibi foveam fecit. Superbivit & in seipso concupivit similem esse Deo, sed illinc similem se fecit Diabolo. Hinc lachrymæ tuæ! Hinc origo humanæ miseriæ!

Con. Diffiteri nequeo; sed magnoperè miror, quod inter agendum nunquam fatigaris.

Pec. Nunquam fatigat, quod delectat. Boni enim evitatio, mali dilectio, & voluntatis meæ depravatio, illæ sunt rotæ, à quibus currus meus circumvehitur; Au-
rīga

riga vanitas est, quæ velociori cursu equos, cupiditates nimirum, impellit. Hinc autem est, quod infatigabilis maneo, quia multiplici varietate delectationum affici soleo. Si superbè aut fastuosè prodire cupio, parantur vestes nitidæ, novissimo more, quo spectante majorem admirationem incutiant, compositz; Hisce exeo, nec meipsam minus admirari soleo, quàm qui me spectant. Si crapulæ indulgere quæro, delitiis statim affluo; si à mari remotior, piscibus inhio; si in mari propinquior, eas fastidio. Nil novi est, quod non delectat; Nil sumptuosum minus, quod afficit. Si choræ, aut theatrales ludi me teneant, eò recurro, quò confertissimè cætus confluunt; nec ibi qui inimum agunt, nec qui spectant, me absente, aliquid præstare valent. In hisce enim publicis consortiis, quibus vanitas maximè arrisit, semper præsens esse desidero; nec quisquam est, qui desideriis meis minus satisfacere postulat; cujus gratiori aspectu omnia jucunda sunt & lætancia.

Con. Hinc colligo, *Peccatum* semper in operibus inventionis esse versatum.

Pecc. Apprimè colligis; *Peccatum* enim semper prægnans, aliud ex alio gignit, ne amatoribus suis fastidium pariat.

Con. Imò *Peccatum* securiores, securitas segniores facit.

Pecc. Quid si? Hoc leniori somno meos dum mulceo; eos mihi devinctiores reddo. Umbræ meæ sunt, & me sequuntur; Milites mei sunt, & mihi obsequuntur: Malus est Miles qui Imperatorem gemens sequitur. Tanto perè enim me amant, ut tanquam boni cives pro libertate mea vindicanda vitari libentissimè amissuri sunt. Nec gravem eum esse laborē sentiunt, quem sustinent, modò mihi inserviant, aut minimum obsequium præstant. Qui amant, aut non laborant, aut ipsum amant laborem.

Con. Nihil verò facilius quàm talis amor putrescet; cum omnia blandiora ea promissa tua sicut nives ante Solem, ad nihilum defluent; delectanti imò animæ per-

perniciem adferent.

Pec. Num pollicita mea, pol-
lentia unicè cogitas?

Con. Cogito quidem; Eos pre-
munt & perimunt, qui illis cre-
dunt. Hoc enim expertum ha-
bent, qui te norunt, quod, nihil
infelicius felicitate Peccatorum;
quod, nulla adversitas, ubi nulla
iniquitas.

Pec. Sed ostende mihi unum
de mille, qui severiori huic opini-
oni tuæ acquiescet.

Con. Major eorum est demen-
tia, & everfio certa.

Pec. Sed quis ista cogitat?
Præsentibus frui placet, & semper
placuit; futura caveat, qui timet.
Satiùs est unam aviculam habe-
re in manu, quàm duas in sylva.
Incerta sunt quæ futura sunt,
igitur negliguntur; Præsentia
oculis propolita sunt, igitur appe-
tuntur.

Con. Hinc delirant homines!
Hinc voluptates fiunt *Syrenes*!
Sic verò adverterent, hanc vitam
perpetuam esse poenitentiam;
quia omnia in hac ætate juvenef-
cunt vitia. Deinde, quid tibi ser-
viendo

*Ambros.**Greg.**Aug.*

viendo sunt amissuri, quid te spernendo sunt adepturi! Quàm breve momentum est quod delectat, æternum quod cruciat! Quàm brevi momento temporis amittenda est spes salutis! Quàm levi solatio perpetuus incurrendus est cruciatus! Vbi, "si omnes homines nati ab Adam usq; ad hodiernum diem, & omnes boni prædicatores essent, & omnes de minutissima pœna inferni prædicarent, illi omnes illam minutissimam pœnam propalare non possent. Nec suspicari poterit, quid ibi cruciatibus deditum non fuerit. Quod, nullus cruciatus pœnarum temporalium potest sempiternis iniquorum cruciatibus comparari. Si ista & talia secum perpendere, nihil te (O teterrimum hominis prodigium) horribilius, nil deformius cogitarent. Te, uti colubrem in via, evitarent; imò, si scirent Deum illud ignoscitarum, hominem ignotum adhuc, propter peccati turpitudinem peccare dedignarentur.

Pec. Vnde istæ querelæ?

Con.

Con. Ab incurſu peccati; cujus peſſimis blanditiis, homines in feras ſunt mutati; naturam exuentes propriam, & conditionem ſuſcipientes belluinam. Quis enim, ſi oculos in capite habeat, non aperte videat, quomodo periclitatur caſtitas in delitiis, humilitas in divitiis, pietas in negotio, veritas in multiloquio, charitas in hoc nequam ſeculo?

Pec. Iſta pericula me parum tangunt.

Con. A te tamen ut proveniunt, me graviter deprimunt.

Pec. A te potius iſta animi ægritudo proſecta eſt; tenerum nimis & naſcantem ſtomachum habes; quæ aliis vix feſtucæ, tibi trabes apparent.

Con. Impubescentes ac inteneſcentes *Conſcientiæ* potius foveri & fulciri, quàm frangi & flagellari meruerunt.

Pec. Age! Si tanta mollities te teneat, unde eſt quod illecebris meis non indulſeris?

Con. Mentem quia triſtiores reddunt; Iſta voluptati aperta, voluptatis eſt deſertio; Bona

Conscientia hisce ludibriis non est allicienda: Audistine de integræ *Conscientiæ* pretio, de malæ supplicio?

Pec. Nec pretium, nec pœnam novi.

Con. Audiest tandem; Magnæ divitiæ bona *Conscientia*; appellatur igitur iuge *Convivium*. Nulla verò pœna gravior quàm mala *Conscientia*; quia paci perpetuum dedit repudium. Sicut enim probis probitas ipsa est præmium, ita improbis nequitia ipsa est supplicium.

Pec. Ista vitæ asperitas te nunquam lætari permittet.

Con. Absit, quod tanta sit delectatio in vitiis, quanta in virtutibus. Præmium virtutis, ipse est Deus, qui dedit ipsam: in quo gaudium meum repositum habeo; nec totius mundi voluptates, si arenulis mavis essent numerosiores, mentem ab hoc gaudio amovere poterint.

Pec. Maxima felicitas hujus vitæ (aliam enim nescio) consistit in amicis, sociis, & consortiis; thesauris colligendis, voluptati-

bus

bus fruendis, honoribus aucupandis; sed ista ab exercitatione virtutis disjunctissima sunt.

Con. Erras; Virtutes veræ opes sunt, non divitiæ; divitiis enim servire, est Deum negare. Mundi servitium, licet Mundanis sit solacium, Sanctis semper fuit grave supplicium. Hi ad Eremum venire, summam perfectionem esse duxerunt. Cællæ & Cæli habitationem esse cognatam; omnis seculi honorem, diaboli negotium sentierunt. Hi honores mundi, tumores mundi; voluntatem Dei, voluptatem animæ summam judicârunt.

Pec. Quid mihi cum Sanctis? meæ non sunt causæ; eorum incremento, detrimentum meo infertur imperio. Ecce, quem video, quem tyrocinio meo initiatum habeo! *Homo* est; Sanctus non est; Et inde gaudeo. Nihil enim humanum, si vitia spectes, ab eo alienum esse puto.

Ho. O me viventium omnium miserrimum! Diutius sub silentio me continere nec volo, nec valeo. Siccine semper me persequeris?

Intrat
Homo.

Pec. Imò potius me persequeris.

Ho. Fateor, & erubescō; notitia verum *Peccati*, quia initium est salutis, me reviviscentem sentio.

Pec. Hoc mihi parum arripdet.

Ho. Fateor, inquam, si peccavi, ego peccavi, non fatum, non fortuna, non Diabolus. Adversus me pronuntiabo, non adversus Dominum. Si te, *ô conscientia mea*, aut quemcunque alium peccati mei arguerem, canibus propriè assimilari possim, *Qui*, uti divinus *Plato* ait, lapides jactos mordent: ipsos autem, qui lacerant, non attingunt. Nunc tandem lachrymantibus oculis ad me redeo, cui meipsum inimicissimum feci; nec solum rediturus, sed piissimum propositum sum facturus (& proposito faveat Altissimus) me nunquam te (*ô peccatum*, humanæ salutis naufragium) dehinc admissurum; sin verò, impetu facto ingrueris, nunquam regnabis.

Con. Propositis piè susceptis
semper

semper favebit Deus.


Ho. Quando etiam, à duabus partibus constare videor; *Anima & Corpore*; Quarum prior, si minimo vulnere afficiatur, te tanget & anget, ô Synteresis mea; novam agere vitam mecum institui; quò refocilletur *Conscientia*, renovetur anima, & tota interior lætetur familia. Quantum verò ad te attinet, ô *Caro* mea, quia tuum est attrahere peccatum, ebibere imò tanquam aquam; & qui peccatum peccato addit, funem nectit cum quo ligatur; Crucifigam te, ô delicatula *Philistæa*, nunquam quiesces, perferes quod horres. Sic tandem peccandi finem faciam, divinâ opitulante gratiâ, quâ subsistam.

Cor. Optimè proposuisti; & propositis tuis semper affulgeat Deus.

Pec. Age; si me demiseris, alios inveniam qui mihi hospitium libenter offerent. Quamdiu enim homines manent in mundo, tamdiu in eo me regnaturum esse spero.

Ho. Erga me spes te faller, si

votis meus Deus faveat. Nunc
intremus mi *conscientia*, & colla-
temur mutuò, cum *Peccatum* no-
bis tam invisum discessit a con-
vivio.



COLL. 5.



COLL. 5.

COLLOQVIVM
Dei & Animæ.

Dñs.



Urge , propra
amica mea, spe
ciosa mea , &
veni.

An. Quis me
vocat? Quis me
tot amatoriis titulis conpe lat?

De. Qui creando infudit, in
fundendo creavit, ille te invi
tat.

An. Creator meus!

De. Et amator tuus.

An. Verè te novi me intir è
amasse, cum non pepercisti Filio
tuo, ut me liberares ab inferno.

De. Et Filium, & unicum ha
bui , & eum dedi, ne tu perires
quam feci.

An. Quid ergo retribuam?

D 5

De.

De. Vicem redde per amorem.

An. Quis tam durus est, quem non emolliat amor Dei?

De. Quis non recognoscit beneficia Dei.

An. Quid habui, quod non accepi?

De. Redde gratias, ut plura accipias.

An. Ascendet oratio, ut descendat gratia. Tuum sit totum id quod vivo, & tota totam me tibi offero.

De. Te ipsam offers, sed ubi nam fructus quos profers?

An. Si dignaberis in agro tuo, corde meo, serere bonum semen, necesse est ut manu pietatis tuæ spinas prius evellas vitiorum meorum.

De. An manui meæ te liberè submittes?

An. Hic ure, hic seca, hic percuti, modo parces in futuro; reficiat qui fecit, corrigit qui regit.

De. Adverte, & converteris; sequere, & assequeris.

An. Nemo me erit attentior; Loquere Domine, Ancilla audit.

De.

De. Primum, oportet te scire
Unde es? Qualis es? & quid in fu-
turo eris. Si mihi placeas, a quo
primum eras, nunc es, & in fu-
turo beata eris. Eras quod non es,
& tibi dedi quod es; Te præposui
aliis, ut mihi præ aliis inservias.
Superiora ad solatium, æqualia
ad consortium, inferiora ad servi-
tium dedi.

An. Quid ad me, quid mihi
des, modò te mihi des?

De. Teipsam tibi dedi, cum
nihil eras; Meipsum tibi dedi, cum
nihilò pejor eras; & meipsum tibi
servavi, quo beata eris.

An. ò Mysterium immensum!
ò beneficium latè extensum!

De. In quo mysterio tria præ-
cipuè sunt observanda; Miseri-
cordia Dei diligentis; meritum
Christi patientis; gratia Spiritus
Sancti per Evangelium vocan-
tis. Misericordia mea te dilexit,
quando te creavit, à cæteris crea-
turis discrevit; Meritum Christi
mei te promeruit, cum miseria
tua eum ad terras traxit, ubi mo-
tus misericordiæ tot indigna pro
te tulit; Gratia Spiritus Sancti te
vocavit

vocavit quando docuit ; liberavit quando de tot periculis, terræ & mari , animæ & corpori imminentibus eripuit.

An. O si in lachrymas resoluta esses Anima, quo ista dignius agnoscas beneficia !

De. Audisti quid eras ; & nunc perspectum tibi faciam qualis es. Anima est imago mentis : mens imago Dei : Deus menti præest, mens animæ, anima corpori. Ista perelegantèr quidam protulit ; sed dignitas tua quædam adhuc altiora privilegia , (Charismata verè regia) tibi attulit. Insignita es Dei imagine, redempta Christi sanguine, desponsata fide, dotata Spiritu , ornata virtutibus, deputata cum Angelis. Primum igitur , si quisquam a te quæreret, *Cujus est imago hæc, & inscriptio ?* verè dicas, *supremi Caesaris.* Quomodo obscurata ? ærugine peccati. Quomodo restaurata ? sanguine Christi. Quomodo desponsata ? anulo fidei. Quomodo dotata ? radio Spiritus Sancti. Quomodo ornata ? virtutum flosculis. Quibuscum deputata ? cum Angelis.

gelis. O beata conditio, modo in terris tua non sit consolatio! Quis enim, ni proditor fuerit, imaginem tam regalem delere audet? *Cæsar*is est. Quis animam tanto redemptam pretio, venalem peccato exhibere feret? Pretium sanguinis est. Quis tam amabilem sponfam cœlesti regi desponsatam violare quæret? Sponsa mea est. Quis internam eam lucem sibi cœlitus exhibitam offuscare cupiet? Lux Spiritus Sancti est. Quis amœniores eos virtutum flores, pretiosos vitæ odores inquinare volet? Ornatus *anime* sunt. Quis beatiore eos socios, quorum societas promissa est Sanctis, repudiare valeat? Cohortes Angelicæ sunt. Audies igitur *quid eris*? Angelica in cælis, si Sancta in terris. Semper igitur ambula, semper profice; Noli in via Dei deficere, noli retroire. In via Dei stare, retrogradi est Nam nullum medium potest esse; vel oportet te proficere vel deficere. In quo progressu, optimuni est ita proficere, ut cum humilitate proficias; profectus non agnoscas,

scas, ne superbiâ extollaris. Quicquid enim agitur perditur, si per humilitatem non custoditur: Nam qui cæteras virtutes sine humilitate congregat, quasi pulverem in ventum portat. Rectè igitur definitur humilitas, *Regina virtutum, mors vitiorum, speculum virginum, hospitium Sanctæ Trinitatis*. Nec egena poterit esse anima, cui semel illuxit humilitas vera. Voluntatem enim propriam frangere novit, quod divitibus rariùs contigit. Vnde est, quod Paupertas mentibus bonis esse solet custos humilitatis: In qua fruenda, multò sunt ditiores quam totius orbis imperatores.

An. Bone Domine, unde superbirem? in plurimis me ipsam invenio deficientem, in nullis sufficientem.

Deus. Bono esto animo; optimè semper proficit, qui in opinione sua maxime deficit. Quomodo enim ~~in~~ me proficeres, si jam tibi sufficeres? Gratia mea, quæ tibi sufficiet, balsamum purissimum est: & ideo purum & sol'idum vas requirit. Emundetur cordis tui vasculum

vasculum, ut infundatur gratiæ
meæ balsamum. Sed ad altiora
te ducam, manum mitte & acci-
piam. An agnoscis me ubique
præsentem?

An. Quid minus? Te in om-
ni loco sine loco, ubique præsen-
tem sine situ & motu, semper
agnoscam.

Dens. Et omnia videntem?

An. Humillimè.

Ecce Deus invisibilis & immensus.

Cernit Deus omnia vindex.

Si in penetralibus terræ me ab-
sconderem, latebras exploraret
meas lumen perspicacissimum: Et
si in solitudine ædificarem, nul-
lum tibi præclusum esset latibu-
lum.

Dens. Et ea judicantem?

An. Maximè; Qui judicatus
est injustè, judicabit totum or-
bem in æquitate.

Dens. Si Deum præsentem &
omnia videntem & judicantem
crederes, credo quod nunquam
aut rarò peccares.

An. Omnes fragiles sumus,
nec quenquam me fragiliorem
sentio.

Dens

Deus. Quò te fragiliorem sentis, eò indies fortior evades. Sed ausculta: Visne digna haberi hospitio meo?

An. Beata est anima, quæ tanti hospitis potest esse hospita; Nulum enim ex deërit præsidium, quæ te merebitur hospitem.

Deus. Mereberis certè, si me sequaris.

An. Ad crucem sequar, modò te fruar.

Deus. Auctor pietatis in cruce pendens, Testamentum condidit, singulis opera pietatis distribuens; Apostolis persecutionem, Iudæis corpus, Patri Spiritum, Virgini paranympum, Latroni Paradisum, peccatori infernum, Christianis pœnitentibus crucem.

An. O Testamentum charitate plenum! Vnde colligo omnem salutem humanam in morte Christi esse positam.

Deus. Inde etiam colligastuam dignitatem. Sublime est animæ pretium, quæ non nisi sanguine Christi redimi potuit. Custodiæ igitur tuæ, omnem diligentiam adhibe;

adhibe; **NOVISSIMA** memorare; & hanc sententiam valde salutarem semper impressam habe: Sive dormio, sive vigilo, sive aliquid aliud facio, semper illa vox **NOVISSIMÆ TUBÆ** sonat in auribus meis; *Surgite mortui, & venite ad iudicium.*

An. O vox clara, pravis amara, Sanctis grata!

Deus. Sed, proh dolor, vox ista non citius emittitur, quam amittitur; unde etiam pretiosa *anima* dignitas prostermitur. Cadit *Asina*, & est qui sublevar; perit *Anima*, & non est qui recogitat. Mortem *corporis* omnis homo timet, mortem *animæ* pauci. Vnde autem ista animarum strages? Quia illud dimititur, quo spero nulla *anima* redimitur. Nil pretiosius *tempore*, & heu nil hodie eo vilius invenitur: transcunt dies salutis, & nemo cogitat. De hoc momento pendet æternitas. Dum tempus igitur habes, operare bonum ad omnes. Corrige teipsam & spera indulgentiam: Nulla est culpa quæ non habeat veniam.

An.

An. Multa autem sunt in mundo, quibus adhærendo, me faciunt immundum.

Dens. Facile contemnit omnia, qui semper cogitat se esse moriturum.

An. Sed nunquam moriar.

Dens. Mundo morieris, ut mecum vivas. Mori autem Mundo, est mundum relinquere, non relinqui à mundo. Si vis enim agere pœnitentiã, cum jam peccare non potes; & relinquere mundum, cum ulterius frui non vales: peccata te dimiserunt, non tu illa; mundana te reliquerunt, non tu ea. Non cavere periculum, dum posses, potius est tentare me, quam in me sperare. Sperando igitur timebis, timendo cavebis, cavendo tuta eris. Feres tentationes, ut suscipias consolationes. Non est victoria, ubi non fuit difficilis pugna.

An. Relinquam omnia, perferam omnia, ut te possideam qui mihi es omnia.

Dens. Relinque te, & invenies me. Christiani præludium est sui repudium. Meus non erit, qui voluntatem

luntatem suam meæ præposuit. Hic nemo potest stare, nisi ex toto corde, se voluerit propter me humiliari. Habes in te ex me quo admoneris semper, aut mecum stare, aut ad me redire, si mora tuis affectibus imò defectibus fueris. Te da, & habebis me. Ama me, & amaberis à me.

Anim. Verè te non amat, qui tecum aliquid amat quod propter te non amat. Amor transanimat in rem amatam; me totum renuncio, in meipso nihil habebō, Tuus sum totus & semper ero. Inter brachia Salvatoris mei, & vivere volo, & mori cupio. Mori autem non queo, inter brachia ejus dum dormio.

Deus. Optimè tecum est; hic requiesce; Crux Christi, Corona Christiani. Perge in amore mei, quem si intimè amas, mille mortes citius patieris quàm me offendes; Procede in timore mei, quem si verè timeas, domui tuæ præcipies, omnia prudenter dispones, in me dulciter requiesces. Ne timeas, quia amas. Non timeat anima quæ amat, paveat quæ non amat.

amat. Amor enim foris mittit timorem, minuit dolorem, parit honorem, & confortem facit Sanctorum.

Anim. Scribe digito tuo in pectore meo dulcem memoriam tui mellisui nominis, nulla unquam oblivione delendam. Scribe in tabulis cordis mei voluntatem tuam, nulla unquam mutatione violandam. Veni Domine; perfice quod cepisti; & de me fiat voluntas tua, quam fecisti.

Deus. Perge; & hoc pio proposito, aliorum exemplo, vive paupers in terris, ut perenni vita fruaris in cœlis.





COLL. 6.

Colloquium

Anima & Civitatis Dei.

Anim.

Civitas sancta Dei, char-
rissima Sponsa Chri-
sti; Quæ sunt ista
quæ video? Quæ
Cantica, quæ Organa quæ audio?
Quæ cantilenæ, quæ melodiz
quas ipsa profero? Quæ mella,
quæ Manna gustui delectabilia
sapio? Quæ gaudia sentio? Quæ
præmia possideo? Quam glorio-
sa dicta sunt de te *Civitas Dei*? Et
merito dicta sunt de te; Sicut
enim lætantium omnium habita-
tio est in te. Hæc; ubi difficilius
est dicere quid non est, quàm quid
est; licet omnium linguarum
transcat

transeat facundiam, dicere quid est?

Civit. Nunc expertum habes, beata *Anima*, meliorem esse diem unam in domo Domini super millia.

Anim. Verè invenio; unum diem, diem sempiternum, cui non cedit hesternus, quem non urget crastinus. Vbi non est aliquid quod non veniendo nondum sit, & veniendo jam non sit. Tanta est jucunditas lucis æternæ, ut si etiam non liceret ampliùs in ea manere quàm unius diei hora, propter hoc solum innumerabiles anni transactæ vitæ, pleni delitiis, & etiam cum affluentia bonorum temporalium rectò meritoque contemnerentur. Mille enim anni ante oculos tuos, tanquam dies hesternus qui præterit.

Civit. Interea, de eo labili *Anno*, quid existimas? Superiores dies anni illius jam transierunt, nec tenentur: futuri autem nondum venerunt. De eo fugaci *Tempore* quid cogitas? quicquid de illo præteritum est, jam non est: quicquid de illo futurum est, non-

*Aug. in
Psal. 76.*

nondum est. De illa *Die* quid sentis? Horæ matutinæ transierunt, horæ futuræ nondum venerunt. De ista *Hora* quid tenes? Momenta quædam jam transierunt; quæ futura sunt, nondum venerunt. In hac terra desiderabili nullius temporis languorem, nullum perferes laborem, nullum senties dolorem, summum accipies honorem, mutuum concipies amorem. Videbis cognoscendo, amabis diligendo, laudabis possidendo. Videbis Deum ad voluntatem, habebis ad voluptatem, frueris ad jucunditatem. In æternitate vigebis, in veritate clarebis, in claritate fulgebis, in bonitate gaudebis; sic habebis permanendi æternitatem, cognoscendi facilitatem, requiescendi felicitatem. Quænam enim est hujus Sanctæ *Civitatis* felicitas, cujus Angeli Cives sunt, Deus Pater templum, Filius ejus splendor, Spiritus Sanctus charitas?

Anima. O beata *Civitas*! O Sanctorum felix societas!

Civis. Et de hoc felici consortio tuo non minùs lætamur quàm
de

de nostro gaudio. Ibi enim es sita, ubi una omnium est lætitia. Nemo hîc invidet, dum bonum alterius videt. Vnusquisque nostrum in tantum gaudet de alterius merito, sicut de suo proprio.

Anim. O me felicem, tot electis sociis, tot dilectis Civibus associari! Perquam dulce mihi fuit de hac *Civitate* in terris meditari; quanto mihi dulcius erit in ea delectari, ab ea possideri, cumque contemplari qui Sponsus est animæ, anima animæ, princeps gloriæ?

Civit. Sed præbe manum, speciosa Soror, deducemus te ad habitacula gemmis refulgentia; in cellaria optimis vinis diffluentia; in refectoria sacris delitiis redundantia: ubi nec desiderium penam generat, nec satietas fastidium parit; ubi nec fastidiet qui manducat, nec deficiet quod manducabitur; ubi replebitur mens tua torrente divinæ voluptatis: inebriabitur cor tuum sobria ebrietate divini amoris. Hîc fontes sunt vivi, valles amænæ, hortorum delitiæ. Ibi cumulus

fe-

felicitatis, superveniens gloria; thalamus festivitatis, superabundans lætitia. Ab hoc monte aromaticum, Specula celestium, videbis gloriæ decorem, Sanctorum splendorem, & regię potestatis honorem. In hoc portu pacis, Sinu Securitatis, est requies à laboribus, pax ab hostibus, amœnitas de novitate, securitas de æternitate, suavitas & dulcedo de Dei visione.

Anim. Et quis non illic habitare vehementer desideret? Et propter pacem, & propter amœnitatem, & propter æternitatem, & propter Dei visionem? Cognoscendo Patris potentiam, Filii sapientiam, Spiritus Sancti benignissimam clementiam, & habendo illius Summæ Trinitatis notitiam.

Civit. Patebunt arcana divinitatis, videbitur & amabitur Deus.

An. O beata visio, videre Deum in seipso, videre in nobis, & nos in eo!

Civit. Qui est lux illuminatorum, requies exercitationum, patria redeuntium vita, viventium, &

E corona

*Transit re-
gio mor-
tuum,
venit regio
vorum.*

corona vincentium.

Au. O quanta est misericordia Dei! Quam ineffabilis mutatio dextræ Excelsi! Heri eram in tenebris, hodie in splendore lucis: Heri in ore Leonis, hodie in manu Mediatoris: Heri in porta Inferni, hodie in deliciis Paradisi: Heri in cætu seculi, hodie in sinu Cæli. O si minimum cœlestium gaudiorum apprimè scirent, qui in terris vivunt! in sacris unicè operam navarent; nè minimum momentum, qui rodimi non valet, inutilitèr transirent; vitæ non scholæ Theologi discerent, vivere melius quam disputare certarent; summam eorum Philosophiam scire Christum Iesum, & hunc crucifixum æstimarent; oratores nō tam politè quam ritè, limatè, quam cordatè dicere curarent: Non tam rhetoricis pollerent floribus quàm religiosis operibus. Negoriatores in mundo, ferre magis quàm inferre injuriam eligerent; optimam conscientiam, opulentissimum lucrum cogitarent. Tunc bellua illa fera & intoleranda,

toleranda, nempe Avaritia, non tantoperè saviret, sed opportunè tempori, sicut tempus gratiæ, cederet. Imò, omnes omnis conditionis homines tantâ refulgerent vitæ sanctimoniâ, ut nunquam excideret ab eorum memoria: *Ite maledicti in ignem æternum. Venite benedicti, percipite regnum.* O quid potest lamentabilius & terribilius cogitari, quàm I T E ? & quid delectabilius exprimi, quàm V E N I T E ? Duæ sunt voces, quarum nihil horribilius unâ, & nihil jucundius alterâ poterit audiri. Tunc de die finali, uti de die dissolutionis; de die judiciali, uti de die reddendæ rationis; de inferno, loco horroris, lacu intolerabilis doloris; de cælo, loco honoris, regno incomparabilis amoris intentius perpendere. Residuum temporis cælo sacrarent; residuum lampadis scrinio dicarent. Nulla dies sine linea; nulla linea sine norma. Minimam arenulam quæ per clepsydram currit, unâ saltem lachrymulâ repensarent. Omnia in aliena esse ducerent, imò tempus

præsens, cum nihil de eo præter momentum habent. Auroram diei limen, vespèram diei examen facerent. Tunc manè corpora eorum suscitarentur, inertes somni excuterentur, lumina accenderentur, oratoria ascenderentur, & primitiæ Deo offerrentur. Tunc morti obviam irent, suaviter invitarent, ac blanditiis hujus fallacis vitæ penitus defuncti, amittendo vitam viverent, moriendo mortem perderent, perdendo vitam invenirent. Mortem, inquam, ærumnarum requiem non cruciatum esse dicerent. Terrestribus, imò, speretis, cœlestibus fretis, in portum perpetuæ pacis attingerent. Hoc enim mundani homines maximè expertum habent, dum lachrymabilem sed inconsolabilem hanc vocem emittunt; *O mors, quàm amara est memoriatui, boni habent pacem in substantiis suis!* Quibuscunque mundus sit domicilium, à Cœlo seculum infert exilium. Duas enim civitates faciunt duo amores; *Hierusalem* facit amor Dei; *Babyloniam* facit amor seculi.

Hieru-

Iherusalem interpretatur visio pacis; *Babylon* verò sedes confusio- nis. In urbem verò pacis nunquam intrabunt, qui pacem non diligunt: ô si ista cogitarent qui in terris vivunt, hîc semper viverent, & nunquam perirent!

Civ. Verè te digna meditaris. Si ista enim diligenter secum discuterent *Habitantes terræ*, *Mundo* dehinc essent alieni, *Deo* proximi & familiares amici. Sed de bona voluntate Domini nostrum est lætari; in peccatorum conversione gaudere; terrestrium sanctorum adventum desiderare; de quibus expectamus *Civitatis* nostrę ruinas restaurari. Interim, veni dilecta *anima*, electa socia, in te beata, beatis grata! novis canticis, mutuis gaudiis, amplexibus intimis, ingrediamur locum *Tabernaculi* admirabilis. Nunc tui eriamus socii, qui tui fuerimus ministri. Inter lilia agrorum, milia angelorum, nunc refulgeas; inter agnellos Dei recumbas: Veni, & lætare perenni fruendo pace, cœlesti luce, Dei præsentia, æternâ patriâ!

An. O dulcedo melliflua ! dulcedo miranda ! quàm dulcis es in meditatione, sed dulcior in oratione, dulcissima in contemplatione, sed superdulcissima in beatitudine ? Non est in toto me comprehendere te ; sufficit mihi possidere te, lætari in te, laudare eum qui regit te, & constituerit me in te.

*Surge qui dormis, & exurge a mortuis : & illuminabis te
Christus. Ephes. 4. 14.*

*Omne tempus nobis impensum,
à nobis exigetur qualiter sit
expensum. Bern.*



Fratres



RATRES mei, si putatis aliquid tale habituros nos in illa patria, ad quam nos exhortatur *Tuba celestis*, & propterea vos à presentibus abstinete, ut illic talia copiosius recipiatis, sic estis quomodo illi qui jejunant propter epulas majores, & continent se pro majori incontinentia. *Aug. in Psal. 36.*

F I N I S.





C
A
A
pa
B
de
ta
re
tij





Uamplurimos for-
tasse errores in hoc
MANUALI
MANIPULO
ietatis (CHRIS-
TIANE LE-
CTOR) passim inuenies, qui ex
AUTHORIS absentia, seu
AUTOGRAPHI obscuritate in
publicos typos surrepserunt. Quos
si candidè corrigas, Authorem tibi
deuinctissimum reddes; eumque
tantæ Provinciæ molem subeun-
tem, superantem imò, accumula-
tissimè compensabis.

